

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Etxe Maitia, Autonomia Pertsonala Garatzeko Komunitate eta Egoitza Laguntzarako Udal Zentroa (Basauri)**

20/2021 Legearen 2.1 artikulutik eratorritako epe luzeko behin-behineko enplegua egonkortzeko prozesu bereziaren deialdiaren oinarri espezifikoa, erizaintzako laguntzaileen lanbide kategoriarako C2 azpitaldekoari dagokiona.

- **AUTONOMIA PERTSONALERAKO EGOITZA.-**
BASAURIKO UDALAREN ERAKUNDE AUTONOMOA

20/2021 LEGEAREN 2.1 ARTIKULUTIK ERATORRITAKO EPE LUZEKO BEHIN-BEHINEKO ENPLEGUA EGONKORTZEKO PROZESU BEREZIAREN DEIALDIAREN OINARRI ESPEZIFIKOAK, ERIZAINZAKO LAGUNTZAILEEN LANBIDE KATEGORIARAKO C2 AZPITALDEKOARI DAGOKIONA

Presidente andreak, 2022ko abenduaren 22an, Ebazpena onartu du, eta honako hau xedatzen du ebazpen-zatian:

LEHENENGOA.- ERIZAINZAKO LAGUNTZAILEEN lanbide-kategorian, C2 azpitaldeari, 17. ordainsari-mailari eta 4.10, 4.12, 4.13 eta 4.14 kodeei dagozkien lau lanpostu txanda librea hautatzeko deialdia onartzea.

BIGARRENA.- ERIZAINZAKO LAGUNTZAILEEN lanbide-kategoriako lau lanpostuak (C2 azpitaldea, 17. ordainsari-maila eta 4.10, 4.12, 4.13 eta 4.14 kodeak) txanda irekiaren bidez OPOSIZIO LEHIAKETA sistemaren bidez betetzeko hautaketa-prozesua arautuko duten oinarri espezifikoa onartzea.

HIRUGARRENA.- Deialdia BAO n argitaratzeko agindua ematea, bai eta deialdiaren laburpena Estatuko Aldizkari Ofizialean argitaratzeko agindua ere.

LAUGARRENA.- Deialdia onartzen duen ebazpenaren aurka, administrazioarekiko auzi-errekurtoa aurkeztu ahal izango da, argitaratu eta hurrengo egunetik aurrera, bi hilabeteko epean, Bilboko Administrazioarekiko Auzietako Epaitegian, edo, aukeran, berraztertze errekurtoa, hilabeteko epean, ebazpena eman duen organo beraren aurrean, uztailearen 13ko 29/1998 Legearen 46.1 artikuluan eta Administrazio Publikoaren Administrazio Prozedura Erkidearen urriaren 1eko 39/2015 Legearen aurreikusitakoaren arabera.

Basauri, 2022ko abenduaren 22a. Kontseilu Errektoreko lehendakaria.

María Larrinaga Artetxe.

**ERANSKINA.**

20/2021 LEGEAREN 2.1 ARTIKULUTIK ERATORRITAKO EPE LUZEKO BEHIN-BEHINEKO ENPLEGUA EGONKORTZEKO PROZESU BEREZIAREN DEIALDIAREN OINARRI ESPEZIFIKOAK, ERIZAINZAKO LAGUNTAILEEN LANBIDE KATEGORiarAKO C2 AZPITALDEKOARI DAGOKIONA

1. – Deitutako lanpostuak

Erizaintzako languntzaileen lanbide kategoriarako C2 azpitaldeko lau lanpostu betetzeko deialdia egiten da , txanda irekian, honela banatuta:

PLAZA KOPURUA	EZAUGARRIAK (hizkuntza eskakizuna, derrigortasun data, lanpostu-mailako osagarria, berariazko osagarria, berariazko betekizunak, etab.)
4	4.10, 4.12, 4.13 eta 4.14 kodeak. 2. HE, derrigortasun-data: 2022/12/31 2 lanposturi dagokienez (4.13 eta 4.14 kodeak) eta derrigortasun-datarik gabe 2 lanposturi dagokienez (4.10 eta 4.12 kodeak) C2 azpitaldea. 17. ordainsari maila. Urteko Ordainsari gordina 41.437,02€

2.– Parte hartzeko eskakizunak.

2.1.– Lanpostuak lortu nahi dituztenek oinarri orokorretako 2. paragrafoan oro har ezarritako baldintzak bete beharko dituzte.

2.2.–C2 azpitaldeko langileak hautatzeko deialdietan izena emateagatiko tasaren zenbatekoa honako hau da: 9€

2.3.– Oinarri orokorretako 2. h) apartatuan xedatutakoari dagokionez, LHko 1. GRADUA - OSASUN ADARRA EDO BALIOKIDEA

3.– Lanpostuak esleitzeko berariazko betekizunak.

3.1.– Deialdi honen xede diren plazei lotutako lanpostuetan, bigarren hizkuntza eskakizuna (2.HE) betekizun izan ahalko da. Euskara jakitea derrigortasun data igarota duten lanpostuen baldintza da.



Betekizun horiek oinarri orokorretako 2. eta 8. oinarrietan ezarritakoaren arabera egiaztatu beharko dira.

4. – Hautaketa-prozesua.

Hautaketa-sistema lehiaketa-oposizioa izango da:

4.1. Oposizio fasea

Oposizio fasean bi proba egingo dira, eta nahitaezkoak eta baztertzailak izango dira.

Oposizio fasean gehienez ere 60 puntu eskuratu ahalko dira.

4.1.1. – Lehen proba:

Teoriko-praktikoa izango da eta bi zati izango ditu:

A zatia: galdetegi bat izango da eta erantzuteko hainbat aukera izango ditu. Galderak oinarri espezifikoko hauen I. eranskineko gaitegi orokorraren ingurukoak izango dira.

B zatia: galdetegi bat izango da eta erantzuteko hainbat aukera izango ditu. Kasu teoriko-praktikoa izango dira eta oinarri espezifikoko hauen I. eranskineko gaitegi espezifikokoaren ingurukoak izango dira.

Probaren gehienezko balioa 60 puntukoa izango da (A zatiak 0-20 puntu artean eta B zatiak 0-40 puntu artean). Erantzun oker bakoitzeko erantzun zuzen baten balioaren heren bat kenduko da, eta kanporatuak izango dira proba osoan 30 puntu edo gehiago eskuratzen ez dituztenak.

Epaimahaiak, proba egin eta gero eta dagokion erabakia hartuta, erantzun zuzenak argitaratuko ditu oinarri orokorren 7. apartatuan aipatutako lekuetan.

4.1.2. Bigarren proba, euskara proba: derrigorrezkoa eta baztertzaila izango da nahitaezko bigarren hizkuntza-eskakizuna (2.HE) duten lanpostuak lortu nahi dituzten izangaiantzat, eta borondatezkoa eta ez-baztertzaila izango da nahitaezkoa ez den bigarren hizkuntza-eskakizuna (2.HE) duten lanpostuak lortu nahi dituztenentzat. Nolanahi ere, maila horretan euskararen ezagutza zehaztu eta egiaztatu beharko da.

Proba hau Gaitzat edo Ez gaitzat joko da derrigorrezko hizkuntza-eskakizuna duten plazak lortu nahi dituztenentzat. Hizkuntza-eskakizunik bete behar ez denean, euskara jakitea merezimendutzat hartuko da.

Euskara Tituluen eta Ziurtagirien Erregistro Bateratuan egiaztatuta badago, ez da egiaztatu beharko. Horretarako, parte-hartzaileak baimena emango dio, berariaz, Etxe Maitia Udala Egoitzari erregistro horretan egiaztatzea dezan.

Hala ere, erregistro horretan ez dagoen beste edozein euskarako titulu edo ziurtagiri aurkeztu beharko da, baina baliozkotuta, euskararen jakite-maila egiaztatzen duten tituluak eta ziurtagiriak baliokidetu, eta Hizkuntzen Europako Erreferentzi Marko Bateratuaren mailekin parekatzeko den azaroaren 9ko 297/2010 Dekretuaren arabera.

Apirilaren 3ko 47/2012 Dekretuak, euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziurtagirien bidez egiaztatzenetik salbuesteko denak, xedatutakoaren babesean bigarren hizkuntza-eskakizuna (2HE) egiaztatu nahi dutenek ziurtagiri akademikoa aurkeztu beharko dute. Ondorio horietarako, ETZEBN baliozkotu diren salbuespenak baino ez dira aitortuko.

**4.1.3. – Proben garapena.**

Kategoria bakoitzeko hautagaiak deituak izango dira probak egiteko deialdi bakarrean. Epaimahaiak hautapen probetan aukera eta tratu berdintasuna bermatzeko, proben deialdiko baldintzak aldatu ahal izango ditu haurdunaldi, erditze edo ezinbesteko bestelako arrazoiek direla-eta proba egitera joan ezin diren pertsonentzat. Inguruabar horiek, ahal den heinean, epaimahaiari jakinarazi beharko zaizkio proba egin aurretik, eta justifikazio agiriak atxiki beharko dira.

Epaimahaiak proba egiteko denbora eta bitartekoak egokituko dizkie egokitzapenak behar dituzten eta parte-hartze eskarian hala adierazi duten hautagaiei, eta horrela, gainerako parte-hartzaileekiko aukera berdintasuna izango dute, baldin eta horrekin probaren edukia hutsaltzen ez bada eta beharrezko gaitasun maila gutxitzen edo urritzen ez bada.

Hautaketa probak egitera joan ahal izango dira prozesuan onartuak izan diren pertsonak eta baztertuak izanda ere, egiaztatzen dutenak ebatzteko dagoen gora jotzeko errekurtsoa jarri dutela. Identifikazio ondorioetarako probak egitera joango dira Nortasun Agiri Nazionalarekin, pasaportearrekin edo gidabaimenarekin.

Oposizio faseko proba bukatuta, epaimahaiak behin-behineko emaitzak argitaratuko ditu eta 10 egun balioduneko epea ezarriko du erreklamazioak jartzeko. Epe hori bukatuta eta hala badagokio aurkeztu diren erreklamazioak ebatzita, epaimahaiak jendaurrean erakutsiko ditu behin betiko emaitzak.

Emaitzen argitaratzeak jakitera emango dira oinarri orokorren 6. oinarrian aipatutako lekuetan.

4.1.4. – Oposizio faseko puntuazioen zerrenda.

Oposizio faseko probak bukatuta eta hala badagokio, aurkeztu diren erreklamazioak ebatzita, epaimahaiak aginduko du gainditu dutenen puntuazioen behin betiko zerrenda argitaratzea, eta sarbide txandaren eta modalitatearen arabera argitaratuko dira.

4.2. Lehiaketa fasea

Lehiaketa fasean gehienez ere 40 puntu lortu ahal izango dira eta puntuen baturak zehaztuko du baremo honen arabera:

A) Esperientzia: 30 puntu gehienez**a.1. Esperientzia orokorra:**

Esperientzia orokortzat hartzen da edozein administrazio publikotan, deialdia egin duen administrazioan barne, dagokien hautaketa-prozesuaren muina diren arestikoekin parekatutako esperientzia, baldin eta zerbitzu horiek aurreko kidego, eskala, azpieskala, aukera, espezialitate edo lanbide-taldeetan emandako zerbitzuengatik izandako esperientzia, eragin duen harremanaren arabera langile hori funtzionarioa zein lan-kontratuduna izan.

Gehienez 10 puntu emango dira, baremo honen arabera:

- Erizaintzako laguntzaileen lanbide kategoriarako C2 azpitaldean edozein administrazio publikotan, deialdia egin duen administrazioan barne, egindako zerbitzuengatik 0,0046 puntu lan egindako egun bakoitzeko.

a.2. Berariazko esperientzia:



Hautaketa-prozesuan deitutako lanpostuak betetzeagatik deialdia egin duen administrazioan emandako zerbitzuak berariaz, bereizita eta esperientzia orokorraren balorazioaren osagarri gisa baloratuko dira, **gehienez ere 20 punturekin**, baremo honen arabera:

- Erizaintzako laguntzaileen lanbide kategoriarako C2 azpitaldean administrazio deitzaileen egindako zerbitzuengatik, 0,0092 puntu lan egindako egun bakoitzeko.

Zenbatzeko, erakunde bakoitzean lan egindako aldien batura egingo da. Nolanahi ere, lanaldi partzialean edo lanaldi murriztuan lan egindako aldiak lanaldi osoan lan egindakotzat hartuko dira. Ezin izango da egun berean kontratu/izendapen bat baino gehiago zenbatu.

b) Merezimendu akademikoak. **Gehienez 10 puntu** emango dira merezimendu hauengatik:

b.1. – Deitutako plazaie lotutako lanpostuen eremu funtzionalei lotutako eta erakunde ofizialek (administrazio publikoko eskolak edo institutuak, administrazio publikoak, unibertsitateak, lanbide-elkargoak, mutualitateak, fundazioak, elkarteak, federazioak) emandako edo homologatutako prestakuntza-ikastaroak jasotzeko orduengatik, 0,034puntu jasotako ordu bakoitzeko, gehienez ere 10 puntu.

c.- Euskara ezagutzak.

Derrigortasun-data igarota ez izateagatik baldintza ez den lanpostuetan bakarrik baloratuko da euskararen ezagutza, baremo honen arabera:

- 1. hizkuntza-eskakizuna: 5 puntu
- 2. hizkuntza-eskakizuna: 10 puntu

5. Hautaketa-prozesuaren kalifikazioa

Izangaien azken kalifikazioa hautaketa-prozesu osoan lortutako puntuazioen baturak zehaztuko du.

6. Lan-poltsa

Deialdi honek lan poltsa bat sortuko du eta plazarik eskuratu ez duten, baina oposizio fasea gainditu duten pertsonak egongo dira bertan.

Hautaketa-prozesu honen emaitzaren ondorioz, lan-poltsa bat sortuko da. Lan-poltsa horrek, hasieran, 3 urteko iraupena izango du, eta oposizio-aldiko ariketa gainditu duten izangaiekin osatuko da. Era berean, aldi baterako langile-beharrei erantzuteko erabiliko da, eta Etxe Maitia Udal Egoitzako lan-poltsak arautzen dituen araudian ezarritakoaren arabera kudeatuko dira, eta lehentasuna izango dute dauden lan-poltsen aldean.”

7. Lehentasun-klausula aplikatzea.

Euskal Funtzio Publikoari buruzko uztailaren 6ko 6/1989 Legearen 27.2 artikulua aplikatzeko, artikulua horretan aurreikusitako berdinketa hausteko klausula ez da aplikatuko, Erizaintzako laguntzaileen lanbide kategoriarako C2 azpitaldean emakumeen azpiordezkaritarik ez dagoelako .



**I. ERANSKINA. GAITEGIA****GAITEGI OROKORRA**

1. gaia: 1978ko Espainiako Konstituzioa Printzipio orokorrak. Oinarrizko eskubideak eta betebeharrak.
2. gaia: Euskal Autonomia Erkidegoko Estatutua. EA Eren eskumenak: eksklusiboak, legegintza garapeneakoak eta betearazpenekoak.
3. gaia: Basauriko Udalaren antolamendua. Erregelamendu organikoak.
4. gaia: 4. gaia. 64/2004 Dekretua, apirilaren 6koa, Euskal Autonomia Erkidegoko gizarterbitzuen erabiltzaileen eta profesionalen eskubide eta betebeharren gutuna, eta iradokizunen eta kexen araubidea onartzen dituena (2004ko apirilaren 23ko EHAA, 76. zk.).

GAITEGI ESPEZIFIKOA

5. gaia.- Erizaintzako laguntzailearen eginkizunak egoitzetan
6. gaia – Pertsona ardatz duen arreta-eredua.
7. gaia – Printzipio bioetikoak. Zaintzaren etika.
8. gaia – Sindrome geriatrikoak.
9. gaia – Gaixotasun neurodegeneratiboak adineko pertsonengan. Dementziak.
10. gaia – Higiene pertsonala eta larruazalaren sendaketak. Ultzeren prebentzioa.
11. gaia. Adinekoari elikadura- eta hidratazio-prozesuan laguntza ematea
12. gaia. Adinekoari laguntza ematea gernu- eta heste-kanporatzean
13. gaia – Mobilizazioak eta jarrera-aldaketak.
14. gaia. -Euste mekanikoak. Eusteko aukerak.
15. gaia – Fase terminalean dauden adinekoak zaintzea.
16. gaia – Diabetes mellitusa.
17. gaia – Adinekoen gogo-aldartearen alterazioak. Depresioa.
18. gaia – Loaren nahasmenduak. Insomnioa.
19. gaia – Ahoa eta oinak zaintzea adineko pertsonengan.
20. gaia – Medikazioa ematea
21. gaia. -Osasun-larrialdietan jarduteko jarraibideak.
22. gaia.- Adineko egoiliarren eskubideak
23. gaia. - Datuen babesa eta egoiliarren informazioaren konfidentziasuna.

MARIA
LARRINAGA
ARTETXE -
11911180D

Firmado digitalmente
por MARIA LARRINAGA
ARTETXE - 11911180D
Fecha: 2022.12.23
12:39:27 +01'00'